



-Komunalno-sanitarno-vodoprivredni inspektor-

Broj: 06-49-S1-3 /19

Maglaj, 07.01.2019. godine

- **OPĆINSKI NAČELNIK**
- **SLUŽBA OPĆINSKOG NAČELNIKA I
OPĆINSKOG VIJEĆA MAGLAJ**

IZVJEŠTAJ **o radu** **KOMUNALNO -SANITARNO-VODOPRIVREDNOG INSPEKTORA** **za 2018. godinu**

Uvodni dio

Inspeksijski poslovi su definisani kao poslovi od opšteg značaja, u ovom slučaju, na lokalnom nivou u okviru ovlaštenja teritorijalne jedinice tj. Općine. Komunalno-sanitarno-vodoprivredni inspektor Općine predstavlja prvi stupanj kontrole u slučajevima kršenja zakona. U redovne aktivnosti spadaju poslovi inspeksijskog nadzora nad primjenom zakonskih i podzakonskih propisa iz oblasti navedenih inspekcija, a sve sa ciljem osiguranja izvršavanja zakona i drugih propisa iz nadležnosti Općinske inspekcije.

Osim praćenja stanja u oblastima koje nadzire, prikupljanja podataka o subjektima nadzora, preventivnog, edukativnog i korektivnog djelovanja na subjekte nadzora, inspekcija ima obavezu i sankcionisanja prekršilaca izricanjem upravnih, prekršajnih i drugih mjera, te kontrolu izvršenja izrečenih mjera.

Jedna od temeljnih odrednica u vršenju inspeksijskog nadzora je djelokrug, odnosno obim inspeksijskog nadzora (u ovom slučaju tri inspekcije), mogućnost obavljanja poslova u okviru jednog organa uprave, na značajno objektivniji, samostalniji a time i efikasniji način, potom stručno usavršavanje inspektora obzirom da se radi o licima sa posebnim ovlaštenjima čiji su poslovi operativnog karaktera i koji su jedina kategorija zaposlenih u upravi, zakonom ovlaštena za donošenje upravnih akata.

Ocjena stanja

Izvještaj o radu zasniva se na Programu rada sanitarno-komunalno-vodoprivredne inspekcije za 2018. godinu, mjesečnim i sedmičnim planovima rada za sve tri navedene inspekcije.

Izveštaj o radu zasniva se na jednom uposlenom inspektoru, predviđenom u sistematizaciji, za obavljanje poslova iz oblasti tri inspekcije, što je nedovoljno i što je uticalo na rezultate rada, obzirom da se nijedna od navedene tri obimne inspekcije ne može temeljito raditi, sa poslovima u kontinuitetu od strane jednog uposlenika.

Sa ciljem uvida u prisustvo na poslu evidentni su podaci da je ovaj organ u toku 2018. godine odsustvovao sa posla 10 dana po pitanju bolovanja, 37 dana (15 dana prenesenih iz 2017. godine) po osnovu godišnjeg odmora, 6 dana državnih praznika i 2 dana vjerskih praznika.

Inspektor je izvršio 465 nadzora, a što je u odnosu na planiranih 250 više za 86%.

Tokom izvještajnog perioda počelo se sa primjenom novih Općinskih odluka (izmjenjene predhodne kao i odluke koje nisu do izvještajne godine bile donesene), kao i novih zakona, po kojima je inspektor imao obavezu za postupanje, što je takođe uticalo na ukupan broj izvršenih inspeksijskih nadzora.

Treba napomenuti prisustvo i pripreme uz aktivno učešće u radu održanih radionica u realizaciji projekta „Upravljanje animalnim otpadom“ u organizaciji Instituta za zdravlje i sigurnost hrane u Zenici, prisustvo sastanku vodnih inspektora F BiH, učešće u radu Komisije za izradu „Plana upravljanja otpadom na području općine Maglaj 2018. – 2023. godina“ kao člana iste, potom prisustvo javnim raspravama u donošenju novih Općinskih odluka čija kontrola provođenja je u nadležnosti ovog organa...

Tabela: Uporedni pregled planiranih i ostvarenih rezultata nadzora u 2018. godini

Rb.	Naziv inspekcije	Planirani broj inspeksijskih nadzora u 2018. godini	Izvršeno inspeksijskih nadzora u 2018. godini	Indeks (4/3)
1	2	3	4	5
1	Sanitarna inspekcija	100	156	156,00
2	Komunalna inspekcija	100	252	252,00
3	Vodoprivredna inspekcija	50	57	111,40
UKUPNO:		250	465	186,00

U cilju otklanjanja utvrđenih nedostataka doneseno je 58 rješenja što je u odnosu na prethodni izvještajni period više za 38,09%. Broj izdatih rješenja – upravnih mjera, kao i broj represivnih mjera vjerovatno bi bio i veći, obzirom na probleme, da je ispoštovan član 109. stav 1. alineja 1., 2., 3., 4. i stav 2. istog člana Odluke o komunalnom redu i sanitarnom minimumu („Službene novine Općine Maglaj“, broj: 3/18). Kao razlog navedenog – minimalno angažovanje eko policajca na poslovima po navedenoj Odluci, potom, prisutno je i provođenje, odnosno neprovođenje Odluke po pitanju odlaganja drva na javne površine, određena, odnosno dozvoljena visina ograda oko zemljišta u privatnom i Općinskom vlasništvu, obaveze čišćenja septičkih jama bez obzira na vlasnika i korištenje istih, potom provođenje Općinske Odluke o privremenom korištenju javnih površina, neriješen problem određivanja prostora za prodaju neprehrambenih proizvoda (odjeće, obuće i ostalog) na štandovima i stolovima Trg Alije Izetbegovića (izrečena rješenja inspektora čekaju na kontrolu postupanja po istim)...Da bi se omogućio kvalitetniji i efikasniji rad inspekcije neophodno bi bilo otkloniti nedostatke i prepreke

koje otežavaju rad ove inspekcije.

Tabela: Uporeni pregled donesenih upravnih mjera u 2018./2017. godini.

Rb.	Naziv inspekcije	Broj izdatih rješenja u 2018. godini	Broj izdatih rješenja u 2017. godini	Indeks (3/4)
1	2	3	4	5
1	Sanitarna inspekcija	20	14	142,85
2	Komunalna inspekcija	34	27	125,92
3	Vodoprivredna inspekcija	4	1	400,00
UKUPNO:		58	42	138,09

Pored navedenih upravnih mjera inspektor je izdao 8 prekršajnih naloga u novčanoj vrijednosti od 6.850,00 KM, što je u odnosu na predhodni izvještaj kada nije izrečen ni jedan prekršajni nalog više za 100 %.

U registar novčanih kazni shodno odredbama Zakona o prekršajima, kojim je definisano da se sve novčane kazne i troškovi postupka izrečeni na osnovu konačnog i izvršnog prekršajnog naloga ili pravosnažnog ili izvršnog rješenja o prekršaju unose u Registar i evidentiraju kao dug koji učinilac prekršaja duuguje, uneseno je 8 prekršajnih naloga, od kojih je 5 plaćeno ili 62,50 %.

Procenat iznosa izrečenih kazni je veći ukoliko se uzme u obzir činjenica da su sve novčane kazne po prekršajnim nalogima plaćene sa 50 % umanjenim iznosom koji omogućava Zakon o prekršajima ukoliko se isti plati u roku od osam dana od dana uručenja prekršajnog naloga.

Tabela: Uporedni pregled izdatih prekršajnih naloga i novčanih kazni 2108./2017. godina

Rb.	Naziv inspekcije	Broj izdatih prekršajnih naloga u 2018.godini	Visina izrečenih novčanih kazni (KM) u 2018.godini	Broj izdatih prekršajnih naloga u 2017.godini	Visina izrečenih novčanih kazni (KM) u 2017.godini
1	2	3	4	5	6
1	Sanitarna inspekcija	2	5000,00	0	0
2	Komunalna inspekcija	6	1850,00	0	0
3	Vodoprivred. inspekcija	0	0	0	0
Ukupno:		8	6850,00	0	0

Tabela: Analitički pregled izrečenih novčanih kazni sa statusom

Rb.	Naziv inspekcije	Prekršilac	Izrečeni iznos kazne (KM)	Iznos troškova (KM)	Plaćeno	Status postupka	Sudska rješenja
1	2	3	4	5	6	7	8
1	Komunalna inspekcija	fizičko lice	50,00	3,60	28,60	plaćen	
2	Komunalna inspekcija	pravno lice	500,00	3,60		zatraženo sudsko odlučivanje	izrečena uslovna kazna
3	Komunalna inspekcija	odgovorno lice u prav. licu	250,00	3,60		zatraženo sudsko odlučivanje	izrečena uslovna kazna
4	Komunalna inspekcija	pravno lice	500,00	3,60	253,60	plaćen	
5	Komunalna inspekcija	odgovorno lice u prav. licu	250,00	3,60	128,60	plaćen	
6	Sanitarna inspekcija	pravno lice	3000,00	3,60	1503,60	plaćen	
7	Sanitarna inspekcija	fizičko lice	2000,00	3,60		zatraženo sudsko odlučivanje	postupak u toku
8	Komunalna inspekcija	fizičko lice	300,00	3,60	153,60	plaćen	
UKUPNO:			6850,00	28,80	2068,00		

U izvještajnom periodu od strane inspekcije izjavljena je jedna žalba drugostepenom organu koja je odbijena i predmet vraćen prvostepenom organu na ponovni postupak.

Od strane okrivljenih podnesena je jedna žalba koja je usvojena kao osnovana i žalba je u postupku rješavanja.

Na žalbe je dat blagovremeni pismeni odgovor.

U izvještajnom periodu inspektor je u svojstvu svjedoka pristupio 4 puta usmenom pretresu na Općinskom sudu Zavidovići Odjeljenje u Maglaju, dostavio jedan odgovor po rješenju.

Policajska stanica Maglaj se obratila inspekciji sa dostavljene 44 službene zabilješke, evidentiranim različitim problemima na upoznavanje i postupanje po istim. Po službenim zabilješkama u kojima su navedeni problemi čije rješenje je u nadležnosti inspekcije je postupano, a obavijesti o učinjenom poslano PS Maglaj na znanje.

Ukupno dostavljeno predmeta u arhivu zaostalih iz 2014., 2015., 2016. i 2017. godine 49, a iz 2018. godine 208 arhivirano predmeta (4 vodna inspekcija, 43 sanitarna inspekcija i 81 predmet iz

komunalne inspekcije).

Ukupan broj otvorenih i protokolisanih predmeta je 177.

U izvještajnom periodu dato je 11 medijskih objava putem RTV Maglaj i web stranice Općine Maglaj.

O prijemu stranaka i razlozima obraćanja inspekciji konstatuju se najčešća kršenja prava iz različitih oblasti što u određenim slučajevima inicira inspeksijski nadzor, a o broju stranaka uglavnom se vodi evidencija. Na navedeni način zainteresovani mogu na efikasan, jednostavan i brz način ostvariti svoja prava ili pak dobiti upute kako to učiniti sa čime su već upoznati, što je očigledno obzirom na broj primljenih stranaka.

U ostvarivanju prava građana, pravnih i fizičkih lica, njihovim obavezama u poštivanju zakona i zakonskih odredbi, kao i javnom informisanju, inspekcija će i dalje nastaviti u okviru nadležnosti.

Prilikom svojih redovnih poslova i zadataka općinski inspektor je često izložen psovka i vrijeđanjima od strane stranaka i nije rijetkost da su i meta verbalnih i fizičkih prijetnji i napada. Kao potvrda navedenom je i podatak da je u izvještajnom periodu inspektor bio primoran 11 puta zatražiti zaštitu službenika PS Maglaj, koji su na brz i efikasan način postupili i uz zaštitu omogućili inspektoru da odradi započetu aktivnost.

Saradnja sa Kantonalnom inspekcijom (Ze-Do kantona), kao i sa Federalnom, obavljena po potrebi, najčešće kod konsultiranja o pojedinim pitanjima iz djelokruga rada, koji nisu jasno definisani zakonom, potom sa nekolicinom Općinskih inspekcija iz Kantona.

Izvršenje godišnjeg plana inspekcije prikazano je u sedmičnim izvještajima (43 sedmična izvještaja), mjesečnim (9 mjesečnih izvještaj – dva zbirna po dva mjeseca), sedmični planovi su prikazani u 42 urađena. Uz navedene aktivnosti, a za djelovanje po istim prisutni su i poslovi koji se ne mogu brojčano prikazati – zaprimanje i zavođenje predmeta u knjigu evidencije, pripremne i druge aktivnosti koje su obavezne prije i tokom kontrole i postupanja po predmetima, aktivnosti koje slijede nakon izvršene kontrole, sačinjavanje jednoobraznih obrazaca-taslaka za pojedine kontrole u većem broju, praćenje i upoznavanje sa novim zakonima i podzakonskim aktima, kojih je sve više uz korekcije i dopune starih, rješavanje problema bez zavođenja telefonskim pute obraćanja stranaka, izlaskom na teren i davanjem usmenih naređenja i upozorenja ako nema potrebe za otvaranjem predmeta...

Djelokrug rada inspekcije

- Komunalna inspekcija

U izvještajnom periodu komunalni inspektor je vršio nadzor nad primjenom zakonskih i podzakonskih akata navedenih u Programu rada za 2018. godinu, sa izmjenom u dijelu primjene nove Odluke o komunalnom redu i sanitarnom minimumu („Službene novine Općine Maglaj“, broj: 3/18) i Odluke o privremenom korištenju javnih površina („Službene novine Općine Maglaj“, broj: 5/18) usvojenih u 2018. godini.

Težište postupanja ispekcije u izvještajnom periodu je bilo na nekoliko problema koji se protežu godinama ali nisu dovedeni i uređeni do kraja.

Jedan od njih koji je zahtjevao i duži vremenski period rada, je po pitanju konačnog rješavanja

problema odlaganja šljake – šuta na javnim površin i naplate za korištenje javne površine, tj. odvoženje navedenog otpada koji ne spada u komunalni. Navedena aktivnost je dovedena do kraja uz aktivno učešće i saradnju sa KJD d.o.o. i dovođenje navedenog problema dobrim dijelom u red.

Potom privremeno korištenje javnih površina. Poražavajuća je činjenica da su svi ugostiteljski objekti u gradu pri kontroli krajem marta, aprila, pa i u maju mjesecu, zatečeni sa iznešenim i postavljenim kompletnim mobilijarom ispred objekata i na taj način započeli sa korištenjem javne površine bez odobrenja nadležne Općinske službe. Do dolaska inspekcije u kontrolu niti jedan ugostiteljski objekat nije podnio na vrijeme zahtjev za korištenje iste već su to činili nakon kontrole ovog organa. Represivno djelovanje inspektora za fizička lica bilo je onemogućeno obzirom na pravne nedostatke Odluke o korištenju javnih površina Općine Maglaj („Sl. novine Općine Maglaj“, broj: 3/04) koja je bila na snazi. Za pravna lica su izrečena 4 prekršajna naloga. Obzirom da je u 2018. godini usvojena nova Odluka o privremenom korištenju javnih površina inspektor će moći i prema fizičkim i pravnim licima postupati u 2019. G odini postupati na isti način, tj. u skladu sa navedenom Odlukom. Općina nema Plan zauzimanja tj. dodjeljivanja javnih površina na privremeno korištenje, a donesena rješenja o odobravanju istog su nedorečena (između ostalog nedozvoljeno prošireni objekti nemaju od strane Općine riješen status - ne nalaže im se uklanjanje, ne provodi se naplata za korištenje javne površine, tj. ne izdaju se rješenja za korištenje u navedene svrhe...) što otežava postupanje ovog organa pri utvrđenom stanju na terenu.

Tokom izvještajnog perioda, vrlo često uz saradnju službenika PS Maglaj, vršena je kontrola i uklanjanje kornika javnih površina, bez odobrenja, u dane pijace (srijedom). Riješen je problem nedozvoljenog korištenja javnih površina za postavljanje štandova u navedene svrhe oko Tržnog centra, ali nije riješen isti problem, prisutan na Trgu Alije Izetbegovića.

Znatno veći broj izvršenih pregleda u odnosu na planirani, uslovljen je povećanim brojem prijavi građana (putem pismenog zahtjeva, zahtjeva telefonskim putem, dolaskom u kancelariju ili pri izlasku na teren), koji su se odnosili na već poznate probleme vezane za kvarove na vodovodnoj i kanalizacionoj instalaciji, problemi sa ventilacionim otvorima koji se koriste kao odžaci, korištenje zajedničkih dijelova zgrada, zbrinjavanje otpadnih i fekalnih voda u vangradskom području, držanje domaćih životinja i kućnih ljubimaca i dr.

Zbog problema koji su vrlo često prisutni iz nadležnosti komunalne inspekcije, a za rješavanje istih prepreku ili poteškoću predstavlja neusklađenost novih zakonskih akata sa Općinskim "starim" Odlukama koje su rađene na osnovu davno isteklih zakonskih propisa, ili pak nepostojanja istih a u novim zakonskim odredbama određena je obaveza donošenja istih, neophodno je, u skladu sa zakonskim aktima koji su na snazi raditi nove ili pak uraditi izmjene postojećih Općinskih akata, (u skladu sa važećim zakonskim aktima) a navedene staviti van snage.

Neke od Odluka na koje se navedeno odnosi:

- **Odluka o vodovodu i kanalizaciji ("Sl. novine Općine Maglaj", broj: 9/03)** urađena i donesena između ostalih i na osnovu Zakona o vodama ("Sl. Novine F BiH", broj: 18/98), Zakona o vodama Ze-Do kantona ("Sl. Novine Ze-Do kantona", broj: 8/00), Zakona o prostornom uređenju ("Sl. list SR BiH"; broj: 9/87-prečišćen tekst) i Zakona o prekršajima Ze-Do kantona ("Sl. Novine Ze-Do kantona", broj: 10/98 i 10/99) a da odredbe svih navedenih Zakona stavljene van snage a Zakoni prestali da važe jer su usvojeni novi.
- Shodno članu 28. Zakona o vodama Zeničko-dobojskog kantona ("Sl. novine ZE-DO kantona", broj: 17/08) naša Općina ima obavezu donijeti i **odluku o odvodnji otpadnih voda** koju do sada nije posjedovala a kojom bi se regulisao i problem odvodnje **oborinskih voda** koji Općina Maglaj nema riješen (pitanje održavanja odvoda oborinskih voda na

- području grada...).
- **Odluka o javnom redu i miru na području Općine Maglaj** ("Sl. novine Općine Maglaj", broj: 7/08) koju je potrebno uraditi radi usklađivanja odredbi ove Odluke sa najnovijim propisima – do danas važeći Zakon o javnom redu i miru Ze-Do kantona četiri puta mjenjan, potom donesena je nova Odluka o komunalnom redu i sanitarno higijenskim mjerama Općine Maglaj, potom treba izvršiti njeno usklađivanje sa novim Zakonom o prekršajima FiB ("Sl. Novine F BiH", broj: 63/14) i novim Zakonom o zaštiti od buke Ze-Do kantona ("Sl. Novine Ze-Do Kantona", broj: 1/2014).
 - Navedeni novi Zakoni, kao i novi Zakon o ugostiteljskoj djelatnosti iziskuju donošenje i nove ili izmjenu i dopunu sadašnje **Odluke o radnom vremenu u određenim djelatnostima na području Općine Maglaj** ("Sl. novine Općine Maglaj", broj: 3/97) te usklađivanje iste sa navedenim Zakonima kao i novom Odlukom o javnom redu i miru na području općine Maglaj (koja se treba uraditi).
 - Treba napomenuti još jedan akt (Odluka o uređivanju i održavanju groblja na području općine Maglaj) za čije donošenje odnosno posjedovanje je nadležna Općina shodno članu 18., 19. i 20. Zakona o komunalnim djelatnostima ("Sl. list SR BiH", broj: 20/90), i **Zakonu o pogrebnoj djelatnosti i o uređivanju i održavanju groblja** ("Sl. list Socijalističke Republika BiH", broj: 5/77) a koji bi regulisao pitanja vezana za vlasništvo nad grobljima, uređenje i održavanje istih.
 - **Odluka o kućnom redu i održavanju i korištenju zajedničkih dijelova i uređaja u stambenim i stambeno-poslovnim zgradama na području općine Maglaj** („Sl. novine Općine Maglaj“, broj: 8/00) nije usklađena sa Zakonom o korištenju, upravljanju i održavanju zajedničkih dijelova i uređaja zgrade („Sl. novine Ze-Do kantona“, broj: 4/16) a što je obaveza proistekla iz člana 50. navedenog Zakona.
 - **Pravilnik o uslovima za obavljanje poslova upravitelja i Upustvo o načinu promjene upravitelja** koji je naložen za donijeti shodno članu 32. stav 1. Zakona o korištenju, upravljanju i održavanju zajedničkih dijelova i uređaja zgrade („Sl. novine Ze-Do kantona“, broj: 4/16).

U izvještajnom periodu komunalna inspekcija sačinila je 3 dopisa Kantonalnoj inspekciji, 1 odgovor na postavljeno pitanje OV, 17 odgovora na dopise i zahtjeve građana, fizičkih i pravnih lica, 18 obavijesti o toku postupka, 9 poziva strankama, 14 zahtjeva za intervencijom, 1 zaključak o dozvoli izvršenja, 27 zaključaka o obustavi postupka, 1 zaključak o odbacivanju i 51 službenu zabilješku.

- Sanitarna inspekcija

Djelatnost sanitarne inspekcije ostvaruje se neposrednim inspeksijskim nadzorom nad pridržavanjem propisa i mjera proisteklih iz zakona i zakonskih podakata s ciljem zaštite i unapređenja zdravlja stanovništva, ostvarivanjem što većeg stepena zaštite ljudi i potrošača, na području općine Maglaj, što je i osnovna svrha inspeksijskog nadzora.

Obzirom da ovaj organ u nadležnosti ima tri inspekcije teško je unaprijed planirati poslove iz oblasti sanitarne inspekcije (mjesečni i godišnji plan), na osnovu utvrdene problematike, a što bi bilo neophodno, obzirom da komunalna inspekcija velikim dijelom se zasniva na zahtjevu stranaka, pri čemu vrijeme postupanja je određeno zakonskim odredbama. U navedenom slučaju inspektor je teško odrediti šta je prioritet i kako postupiti, pogotovo ako se uzme u obzir i vodna inspekcija.

Inspektor djeluje i edukativno (u skladu sa zakonom) u cilju upoznavanja subjekata u poslovanju s hranom, predmetima opšte upotrebe, sa zakonskim odredbama koje se odnose na njihovu konkretnu djelatnost, poticanje obveznika u izvršavanju propisima određenih obaveza. U izvještajnom periodu

održane su četiri edukacije.

Kada je to svrsishodno poduzimaju se preventivne mjere: upozorenje subjektima nadzora na obaveze iz propisa, ukazivanje na štetne posljedice, predlaganje mjera za otklanjanje njihovih uzroka...

Usmjereni nadzori su vršeni i po prijavi građana, ekshumacije i sprovodnice 3, kliconoštvo 6, jedan dopis upućen Kantonalnoj sanitarnoj inspekciji, jedan pismeni odgovor pravnom licu, 8 službenih zabilješki i doneseno 8 zaključaka o obustavi postupka.

Uz pripremu i kontrolu izvođenja, u proteklom izvještajnom periodu, obavljene su dvije preventivne sistematske deratizacije (proljećna i jesenja), shodno Zakonu o zaštiti stanovništva od zaraznih bolesti ("Sl. novine F BiH", broj: 29/05), od strane JU Institut za zdravlje i sigurnost hrane Zenica.

Dva puta (proljeće i jesen), shodno Odluci OV od 2007. godine i Zaključku OV iz 2015. godine uzeti su i ispitani uzorci vode iz javnih česmi odobrenih za kontrolu o trošku Općine. Uzorkovanje i izradu osnovne mikrobiološke i fiziko hemijske analize obavila je JU Institut za zdravlje i sigurnost hrane, a građani su javnim putem obaviješteni o rezultatima analiza.

Obzirom da je proteklo 11 godina od usvajanja navedene Odluke OV, promijenilo se stanje na terenu sa jednim brojem javnih česmi sa spiska (pojedine potpuno uništene, većina se ne održava, za pojedine česme se ponavljaju redovno rezultati o neispravnosti istih iz različitih razloga...) preporuka je da se preispita Odluka tj. spisak javnih česmi čija ispravnost vode se kontroliše na ovaj način, koje su u upotrebi, odgovornost MZ kod održavanja istih, kontrola vode iz javnih česmi čiji rezultati analiza su zadovoljavajući, te ih građani koriste...

U izvještajnom periodu, vršena je i kontrola higijensko sanitarne ispravnosti škola, školskih kuhinja i ispravnosti hrane u istim (u školama gdje kuhinje rade) kao i vode za piće.

U nekolicini područnih škola dobiveni rezultati urađenih analiza vode, pokazali su da je voda neispravna, tj. ne zadovoljava shodno Pravilniku o zdravstvenoj ispravnosti vode. U tim školama voda je isključena iz upotrebe do dobivanja zdravstveno ispravne vode. U rješavanje navedenog problema, koliko je to moguće, i u protekloj godini, ovaj organ je bio uključen u saradnji sa direktorima, na rješavanju navedenog problema, za što je neophodno uključivanje i nadležnih institucija obzirom na javni interes koji isti predstavlja.

- Vodoprivredna inspekcija

Broj inspeksijskih nadzora je u skladu sa mogućnosti rada u navedenoj inspekciji obzirom na obim predhodne dvije inspekcije. Napravljene su 3 službene zabilješke i 2 zahtjeva za postupanje.

Najveći broj pregleda odnosio se na probleme uređenja površinskih voda koje su u nadležnosti općinske inspekcije, potom problemi po pitanju vlasništva nad vodovodima, bacanja otpada na obale i slivove voda, nedozvoljena izgradnja betonskih zidova kao zaštite od poplava na površinskoj vodi II kategorije, bespravna priključenja na lokalne vodovode...

U izvještajnom periodu konstatovano je i dalje prisustvo problematike nepribavljanja vodnih akata od strane lica koja koriste vodu, zatim tendencije za korištenjem vlastitih izvora i bunara bez mjernih uređaja (kako u mjesnim zajednicama tako i u urbanom dijelu Općine), kao i neprovođenje adekvatnih mjera kada su u pitanju otpadne vode i njihov tretman.

- Prijedlog mjera i programska orijentacija

Dosta navedenih problema, odnosno činjenica, sa dokumentovanim pokazateljima, već je navedeno u izvještajnom periodu (da ne bi bilo ponavljanja neki su navedeni u Izvještaju za 2017. godinu) koji se ujedno podrazumjevaju i kao prijedlog mjera i aktivnosti na rješavanju problema iz oblasti komunalno-sanitarno- vodoprivredne inspekcije.

Neki od problema su u direktnoj nadležnosti inspekcije, ali zbog ograničavajućih okolnosti, tj. bez prvobitnog djelovanja po istim nadležne institucije, izvršne i zakonodavne vlasti, bez čijeg rješavanja po istom, inspektor neće imati ambijent i okruženje za efektivan i efikasan rad ne mogu se postići željeni efekti u suzbijanju negativnih pojava i problema iz nadležnosti ove inspekcije.

Inspektor će u 2019. godini zahvaljujući postignutom i stečenom iskustvu u prethodnom periodu dinamizirati svoje aktivnosti na obavljanju inspeksijskog nadzora utvrđenog godišnjim programom rada, uz uvažavanje datih mišljenja nadležnih iz oblasti sanitarne, komunalne i vodoprivredne inspekcije.

Na osnovu pokazatelja i rezultata rada ostvarenih u izvještajnom periodu i bez ikakve ambicije da je posao obavljen idealno, može se zaključiti da su i pored rada jednog uposlenika na poslovima tri inspekcije (uz minimalnu pomoć eko policajca), zahvaljujući dodatnom angažovanju (često i rad izvan radnog vremena) postignuti zadovoljavajući rezultati i znatno su veći kako u odnosu na Program rada u 2018. godini tako i u odnosu na pokazatelje u 2017. godini.

Dostavljeno:

1. Naslovu 2x,
2. a/a.



Komunalno-sanitarno-vodoprivredni inspektor

Merima Mahmutović, dipl. ing.tehnol.



-Komunalno-sanitarno-vodoprivredni inspektor-

Broj: 06-49-Sl.-4 /19

Maglaj, 15.01.2019. godine

- **OPĆINSKI NAČELNIK**

- **SLUŽBA OPĆINSKOG NAČELNIKA I
OPĆINSKOG VIJEĆA MAGLAJ**

**PROGRAM
rada u 2019.godini**

Uvodni dio

Prema Pravilniku o unutrašnjoj organizaciji općinskih službi, tri općinske inspekcije sistematizovane su u jednu inspekciju u Službi Općinskog načelnika i Općinskog vijeća i to: komunalna, sanitarna i vodoprivredna inspekcija.

Program rada inspekcije za 2019. godinu obuhvata poslove i zadatke koji proizilaze iz djelokruga rada Općine i njene nadležnosti utvrđene Zakonom o organizaciji organa uprave u F BiH („Sl. novine F BiH“, broj: 35/05) i drugim posebnim zakonima i zakonskim aktima koji regulišu oblast navedene tri inspekcije, sačinjen je na osnovu izvršenja za 2017. i 2018. godinu.

Ciljevi i zadaci

Osnovni cilj provođenja inspeksijskih nadzora iz nadležnosti komunalne, sanitarne i vodoprivredne inspekcije je da se osigura izvršenje zakona i drugih propisa, a sve u cilju zaštite javnog i privatnog interesa.

Poslovi i zadaci inspektora vezani su za oblast komunalne, sanitarne i vodoprivredne djelatnosti. Obzirom na složenost, obimnost, a prije svega različitost inspeksijskih poslova po sličnosti i srodnosti, programski zadaci planirani su odvojeno po inspekcijama. Prilikom vršenja inspeksijskih nadzora svim pravnim, fizičkim licima i građanima potrebno je obezbijediti hitnost i transparentnost u postupanju po zahtjevima građana za ostvarivanje prava u skladu sa propisima nad kojim nadzor vrši inspeksijski organ.

Programom rada i kvartalnim prikazom, određen je broj inspeksijskih nadzora koje treba izvršiti u određenom vremenu, a koliko je to moguće vjerodostojno, obzirom na broj inspekcija, specifičnost, postojeće ili nepredviđene aktivnosti, složenost pojedinih predmeta kao i obavezu kontinuiranog praćenja i kontrole rada. Broj upravnih i prekršajnih mjera, kao i drugih pravnih akata, ne može se planirati jer je isti ovisan o stanju zatečenom prilikom vršenja inspeksijskog nadzora.

Prilikom utvrđivanja normativa rada (minimalnog broja inspeksijskih nadzora) prisustvo na poslu planirano je na 10 mjeseci i 15 dana, zbog korištenja godišnjeg odmora te zbog korištenja plaćenog

odsustva po osnovu državnih i vjerskih praznika.

Tabelarni pregled planiranih inspekcijskih nadzora

Inspekcija		Broj inspekcijskih nadzora po kvartalima				
		I	II	III	IV	Ukupno
1.	Sanitarna inspekcija	15	35	35	15	100
2.	Komunalna inspekcija	10	45	30	15	100
3.	Vodoprivredna inspekcija	5	20	20	5	50
UKUPNO:		30	100	85	35	250
Broj izvršilaca i kvalifikaciona struktura		1 (jedan) VSS				

Prilikom sačinjavanja programa rada, vidljivo je da je broj inspekcijskih nadzora po kvartalima različit jer isti ovise i od vremenskih uslova.

Opšti propisi koji se primjenjuju unutar ove inspekcije u vršenju nadzora su: Zakon o organizaciji organa uprave u F BiH („Sl. novine F BiH“, broj: 35/05), Zakon o inspekcijama Ze-Do kantona („Sl. novine Ze-Do kantona“, broj: 6/11), Zakon o prekršajima („Sl. novine F BiH“, broj: 63/14) i Zakon o upravnom postupku („Sl. novine F BiH“, broj: 2/98 i 48/99), potom materijalni zakoni za svaku od tri inspekcije i odluke koje donosi Općinsko vijeće Maglaj, a koriste se u obavljanju poslova ove inspekcije.

Komunalna inspekcija

U svome radu inspektor planira inspekcijske preglede obavljati u sljedećim oblastima:

- Vršiti nadzor nad provođenjem Zakona o komunalnim djelatnostima, Općinske Odluke o komunalnom redu i sanitarnom minimumu, Općinske Odluke o kućnom redu i održavanju i korištenju zajedničkih dijelova i uređaja u stambenim i stambeno-poslovnim zgradama, Općinske Odluke o vodovodu i kanalizaciji, te poduzimati mjere za otklanjanje uočenih nedostataka,
- Vršiti nadzor nad provođenjem Zakona o korištenju, upravljanju i održavanju zajedničkih dijelova i uređaja zgrade, Zakona o zaštiti od buke, Općinske Odluke o javnom redu i miru, Općinske odluke o privremenom korištenju javnih površina, te poduzimati mjere za otklanjanje uočenih nedostataka,
- U okviru inspekcijskog nadzora poduzimati korektivne, represivne i preventivne mjere,
- Rad sa strankama i po zahtjevima stranaka,
- Pratiti obavljanje i održavanje komunalnog reda i higijene na području općine Maglaj,
- Učestvovati u izradi nove Općinske regulative koja uređuje oblasti iz nadležnosti komunalne inspekcije,
- Pratiti primjenu i svih ostalih zakona i propisa u oblasti komunalne djelatnosti.

Od rada eko policajca, odnosno od njegove angažovanosti iz nadležnosti, i saradnje sa inspektorom, a sve u skladu sa Općinskom Odlukom o komunalnom redu i sanitarnom minimumu, u mnogome će zavisiti i izvršenje Programa iz oblasti komunalne inspekcije i inteziviranja rada u istoj.

Sanitarna inspekcija

U svome radu inspektor planira inspekcijske preglede obavljati u sljedećim oblastima:

- Vršiti nadzor nad provođenjem Zakona o sanitarnoj inspekciji, Zakona o zaštiti stanovništva od zaraznih bolesti, Zakona o zdravstvenom nadzoru životnih namirnica i predmeta opšte upotrebe, Zakona o zdravstvenoj ispravnosti životnih namirnica, Zakona o hrani i drugim propisima,
- Vršiti nadzor nad sprovođenjem i poduzimanjem mjera za sprječavanje i suzbijanje zaraznih bolesti,
- Aktivno učestvovati u edukaciji osoba koje rade sa prehrambenim namirnicama, sirovinama za proizvodnju prehrambenih namirnica i predmetima opšte upotrebe,
- Vršiti kontrolu sanitarno-tehničkih i higijenskih uslova u javnim objektima (javni lokali, škole, zdravstvene ustanove, ustanove socijalne i dječije zaštite, objektima i sredstvima javnog prevoza, svim objektima u kojima se vrši prodaja ili prerada prehrambenih namirnica i predmeta opšte upotrebe...) i drugim mjestima od značaja za osiguranje sanitarne, higijenske i protivepidemijske zaštite, a koja su u nadležnostisanitarne inspekcije,
- U saradnji sa lokalnim, kantonalnim i federalnim institutima za zdravlje i sigurnost hrane, zdravstvenom službom sprovođiti zakonom predviđene opšte i posebne mjere u borbi protiv nastanka i širenja zaraznih bolesti,
- Učestvovati u pripremi i kontroli provođenja zakonski obavezne DDD, a shodno Pravilniku o načinu obavljanja obavezne dezinfekcije, dezinspekcije i deratizacije na području općine 2x godišnje deratizacije, tj. u svim objektima za proizvodnju, skladištenje i promet životnih namirnica i sirovina za njihovu proizvodnju...i svakih 60 tj. 90, odnosno 90 tj. 180 dana dezinfekcije i dezinspekcije,
- Vršiti kontrolu kvaliteta i ispravnosti vode za piće i uređaja za snabdjevanje te shodno rezultatima istih poduzimati zakonom predviđene mjere a sve u cilju zaštite zdravlja građana,
- Vršiti periodično kontrolu ispravnosti vode na javnim česmama i o dobivenim rezultatima redovno obavještavati građane,
- Vršiti nadzor nad licima koja podliježu obaveznom zdravstvenom pregledu,
- Vršiti kontrole proizvodnje i prometa životnih namirnica i predmeta opće upotrebe koji su pod sanitarnim nadzorom,
- Na zahtjev stranaka raditi na provođenju postupaka ekshumacije, i prenosa umrlih lica,
- Pratiti primjenu i svih ostalih zakona i propisa u sanitarno-tehničkim i higijenskim oblastima.

Vodoprivredna inspekcija

U svome radu inspektor planira inspekcijske preglede obavljati u sljedećim oblastima:

- Tokom 2019. godine vodna inspekcija će vršiti nadzor nad izvršavanjem Zakona o vodama Ze-Do kantona, i drugih propisa kojima se reguliše oblast vodne inspekcije na području općine Maglaj,
- Sprječavati neovlašteno korištenje vode u skladu sa odredbama Zakona o vodama Ze-Do kantona,
- Spriječavati i ograničavati ostvarivanje prava na korištenje vode, ako se ona ne koristi u skladu sa odredbama Zakona o vodama Ze-Do kantona,
- U saradnji sa građevinskim inspektorom zaustavljati izgradnju ili izvođenje zahvata u prostoru, ako se ta izgradnja i zahvati izvode na vodnom dobru, bez vodne saglasnosti ili u suprotnosti s njom na površinskim vodama,
- Određivati privremeni prekid obavljanja djelatnosti, ako se krše odredbe vodne dozvole,

- Kontrolisati vađenje materijala iz površinskih voda II kategorije, a o eventualno utvrđenim nepravilnostima ako su u pitanju površinske vode I kategorije, bez odgađanja obavještavati kantonalnog, odnosno federalnog inspektora,
- Određivati i druge mjere u skladu sa federalnim i kantonalnim zakonom i na osnovu propisa i vodnih akata donesenih na osnovu zakona,
- Raditi na kontroli mjesnih vodovoda i za sve mjesne vodovode za koje ne postoji vodoprivredna dozvola izdati rješenje o potrebi izdavanja vodoprivredne dozvole u skladu sa Zakonom o vodama Ze-Do Kantona.

U skladu sa utvrđenim nadležnostima propisanim Zakonom o organizaciji organa uprave u Federaciji Bosne i Hercegovine, Zakonom o inspekcijama Zeničko-dobojskog kantona, potom u skladu sa programom rada Općinskog vijeća, redovno i prema potrebi pripremati izvještaje za Općinsko vijeće, Općinskog načelnika kao i izvršavati konkretne poslove i radne zadatke po zaduženju Općinskog načelnika.

Dostavljeno:

1. Naslovu 2x,
2. a/a.



Komunalno-sanitarno-vodoprivredni inspektor

M.P.

Merima Mahmutović, dipl. ing.tehnol.